

1912-1926

中国近现代教育资料汇编

第二十二册

海豚出版社

1912~1926

中国近代教育资料汇编

第二十二册

海豚出版社

图书在版编目(CIP)数据

中国近现代教育资料汇编. 1912-1926 / 庄俞等编——北京：
海豚出版社，2016.8

ISBN 978-7-5110-3400-7

I. ①中… II. ①庄… III. ①教育史—资料—汇编—
中国—1912-1926 IV. ①G529.5

中国版本图书馆CIP数据核字(2016)第184045号

书 名：中国近现代教育资料汇编（1912～1926）

编 者：庄俞、蒋维乔等

总发行人：俞晓群

责任编辑：李忠孝 李宏声 邹媛 孙时然

责任印制：王瑞松

出 版：海豚出版社有限责任公司

网 址：<http://www.dolphin-books.com.cn>

地 址：北京市西城区百万庄大街24号

邮 编：100037

电 话：010-68997480（销售） 010-68998879（总编室）

传 真：010-68998879

印 刷：虎彩印艺股份有限公司

经 销：北京人天书店有限公司

开 本：16开（710毫米×1000毫米）

印 张：8000

字 数：50000千

版 次：2016年9月第1版 2016年9月第1次印刷

标准书号：ISBN 978-7-5110-3400-7

定 价：180000.00元（全套300册）

ISBN 978-7-5110-3400-7



版权所有 侵权必究

目 录

民国语文类

共和国教科书新国文教授法
第六册

国文教科书 前篇

国文教科书 后篇

教育部審定

高等小學校春季始業

第六冊

教員用

共和國
教科書

新國文教授法

商務印書館發行

目次

	授課時數		授課時數
第一 政黨	二	第二 原才 曾國藩	二
第三 租稅	三	第四 早婚之害	二
第五 別籍異財議 李紱	二	第六 赤壁賦 蘇軾	三
第七 後赤壁賦 蘇軾	二	第八 核舟 魏學伊	二
第九 葬論 司馬光	四	第十 譏堪輿 韓治	一
第十一 記與歐公語 蘇軾	一	第十二 鐵路之關係	三
第十三 通商	二	第十四 博覽會及商品陳列所	三
第十五 六國論 蘇洵	三	第十六 留侯論 蘇軾	三
第十七 日之遠近	三	第十八 擇業	二
第十九 專利	二	第二十 製鐵大王	三
第二十一 托辣斯	四	第二十二 贈王仲緒序 方孝孺	二

第二十三	戒兄子嚴敦書 馬援	一	第二十四	原毀 韓愈	三
第二十五	軍備	二	第二十六	魚雷水雷	二
第二十七	祭田橫墓文 韓愈	一	第二十八	連處士墓表 歐陽修	二
第二十九	格白的	二	第三十	道路	二
第三十一	惻隱之心	三	第三十二	學生之愛國	三
第三十三	人類一源說	二	第三十四	大國民	三

時間分配方法 附

每篇教授二時者、其分配方法、可分三種、(甲)每篇平分二段、每時教授一段、(乙)每篇分二段、第一段較多、第二段較少、第一時教授第一段、第二時教授第二段、并復習全篇、(丙)不分段落、第一時教授、第二時復習、其每篇教授三時以上者、以此類推、(如三時者可分二三段、四時者可分三四段、或竟不分段落、視各篇內容而定)

春季
始業

新國文教授法第六冊

第一 政黨

本文 凡屬立憲國、皆由人民選舉議員、以組織國會、而政府地位之安否、恆視國會多數之從違、若夫民主立憲國、其總統亦由選舉、故惟占選民之勢力、而後能占政治之勢力、組織政黨者、特標其政治之主義、藉以結合多數人、而得選舉之優勝也、世界各國之政黨、有分爲兩大黨者、英美等國是也、英美兩政黨、勢力相埒、此黨握政權、則彼黨從而監督之、輒相消長、故政治上無專橫之弊、其他各國、黨派較多、政黨之勢力與作用、不及英美之完備、政黨之利有四、人民爭奮於政治、一也、協謀共濟、使各種智德發達、二也、擁護憲政、而抗當局者少數之專制、三也、國家政策、得以持久、四也、若夫重黨派而不顧正義、因運動而隨其品性、恃多數而流於專橫、流弊所極、皆足以禍國而殃民、民國成立、選舉之關係日重、自不能無政黨之發生、取其利、去其弊、是在國民之道德心、

目的 本課言政黨之關係甚大、組織政黨者、當以化私利顧正義爲主、
教授事項

(甲) 時間分配 本課分二時

第一時 凡屬立憲國至不及英美之完備

第二時 政黨之利有四至是在國民之道德心

(乙) 內容提示

- 一 君主立憲國與民主立憲國之分、特君位世襲與總統選舉之不同耳、其應共守之憲法則一也、
- 二 急進與和平、政見不能一致、黨綱亦不免少異、彼此不能強人相從者也、然協力共濟雙方並進則可、重黨爭而置大局於不顧則不可、
- 三 黨派不論何種、祇在以道德爲範圍、不存私利主義可矣、黨員而能恪守道德、以國家爲前提、則國民未有不蒙其福者、
- 四 各存黨見而任意攻擊、任意破壞、純乎以意氣用事、則不特禍國殃民、且足以亡國滅種也、

(丙) 文字應用

課文爲論說體、分四段、第一段首三句、言立憲國之國會議員、由人民選舉、次二句、言國會與政府之關係、次四句言民主國總統亦由選舉、故選舉之關係甚重、次四句、言組織政黨之本意、第二段首三句、言英美分兩大政黨、次六句、言兩黨之勢力相埒而無弊、次四句、言各國政黨之不及英美、第三段首十二句、言政黨有四利、次五句、言植黨營私者之足以禍國殃民、末段首三句、言民國不可無政黨、末三句、言取利去弊之在國民有道德心、

參考

(從違) 從、聽從也、違、背也、

「政黨」聯合同志、研究憲政者也、凡一政黨、必抱一種政見、與他政黨對立、勢力雄厚、可以左右政府、
〔英美兩政黨〕英兩大政黨、一爲保守黨、一爲自由黨、外此則愛爾蘭黨亦頗占勢力、美兩大政黨、一爲共和黨、一爲民主黨、近日共和黨中又分而爲進步黨、大有駕兩黨而上之之勢、
〔博〕音勒、等也、

第二 原才 曾國藩

本文 風俗之厚薄、奚自乎、自乎一二人之心之所嚮而已、民之生、庸弱者戢戢皆是也、有一二賢且智者、則衆人受命焉、此一二人者之心嚮義、則衆人與之赴義、一二人者之心嚮利、則衆人與之赴利、衆之所趨、勢之所歸、雖有大力、莫之敢逆、故曰、撓萬物者莫疾乎風、風俗之於人心、始乎微而終乎不可禦者也、所謂一二人者、使當路在勢、則道一而俗同、卽不盡在位、彼其心之所嚮、勢不能不騰爲口說、而播爲聲氣、而衆人者、勢不能不聽命而蒸爲習尚、於是乎徒黨蔚起、而一時之人才出焉、有以仁義倡者、其徒黨亦死仁義而不顧、有以功利倡者、其徒黨亦死功利而不返、水流濕、火就燥、無往不讐、所從來久矣、今之君子之在勢者、輒曰、天下無才、彼自尸於高明之地、不克以己之所嚮、轉移習俗、而陶鑄一世之人、而翻謝曰、無才、謂之不誣、可乎否也、十室之邑、有好義之士、其智足以移十人者、必能拔十人中之尤者而材之、其智足以移百人者、必能拔百人中之尤者而材之、然則轉移習俗、而陶鑄一世之人、非特處高明之地者然也、匹夫亦與有責焉者也、世之君子、得吾說而存之、則將惴惴乎謹其心之所嚮、恐一不當、以壞風俗、而賊

人才，循是爲之數十年之後，萬有一收其效者乎，非所逆觀已。

目的 本課言賢者負轉移習俗、陶鑄人才之責，趨嚮不可不慎。

教授事項

(甲) 時間分配 本課分二時

第一時 風俗之厚薄奚自乎，至所從來久矣

第二時 今之君子之在勢者，至非所逆觀矣

(乙) 內容提示

一 衆人之赴義赴利，以一二人爲依歸，非一二人之強其從己，所謂上行下效，捷於影響也。

二 賢者不在位而人亦聽命，其爲人信仰可知，凡稍負時望者，即不能稍卸陶鑄人才之責。

三 首段不過二句，而全篇大意，已包括於是，以下即將此意發揮透澈耳。

(丙) 文字應用

課文爲論說體，分五段，第一段二句，言一二人足以轉移風俗，第二段首四句，言庸弱者聽命於一二賢智，次四句，言一二人之義利，即爲衆人之義利，次五句，言衆人所趨之不可逆，次二句，言風俗由微而至不可禦，第三段首三句，言一二人在位而一道同風，次四句，言一二人不位而發爲言論，次四句，言人才之所出，次四句，言徒黨之效法，次四句，喻事易而勢順，第四段首二句，言在位者謂天下無才，次七句，駁無才

之說、次六句、言足以成人之材者、不限於一格、次四句、言匹夫亦與有其責、末段首六句、言君子得是說而當謹其所嚮、末四句、言循是爲之而或可收效、

參考

〔戢戢〕收斂而無能之貌、

〔撓〕屈也、撓萬物者莫疾乎風、語見易說卦傳、

〔騰〕傳也、

〔蒸〕以熱氣薰蒸也、

〔蔚〕草木盛貌、

〔譚〕對答也、

〔尸〕拱默而無所事事也、

〔陶鑄〕陶、製土爲瓦器也、鑄、銷金以成物也、

〔翻〕通作幘、亦作反、覆轉也、

〔經〕欺罔也、

〔尤〕最也、

〔惴惴〕惴、音贅、惴惴、恐懼貌、

(賊)害也、

第三 租稅

本文 國家有公費、不能不取給於民、是爲租稅、其制各國不同、清廷舊制、曰田賦、取之於農者也、曰關稅、曰釐金、取之於商者也、此外又有鹽稅、酒稅、當稅、牙稅、契稅等、雖取民未必過重、而行之要不能無弊也、邇者民國初立、一切暫仍舊制、不久必有整頓之策矣、東西各國、國用浩繁、凡我國所有租稅、殆無不有、其爲我國所無者、名目尤多、今述其尤重要者、一曰所得稅、凡官吏之俸祿、人民之工傭利息、及營業之贏利、至若干以上者皆稅之、二曰營業稅、凡工商業以營利爲目的者皆稅之、三曰登錄稅、凡土地財產之授受、及商號商標等、須登記於官冊者皆稅之、四曰印紙稅、凡契約證書帳簿發單、苟以筆記爲信用者皆稅之、其法由國家製造印紙、分爲數等、各書其價、民間苟有契約等事、購印紙以黏之、其無印紙者、則契約爲無效、此外如糖如醬如藥、皆特設專律以徵其稅、而煙酒等物、則由官專賣、故昂其值而取贏焉、至於途中之車馬、家中之密牖、亦莫不有稅、其繁瑣可知矣、以上皆爲國稅、所以供國家之用也、又有所謂地方稅者、則各依其地之情形、或設特別稅法、或就國稅而加徵之、所入以供地方行政教育慈善之用、此外國租稅之大略也、我國還年租稅、歲入約三萬萬元、以人口四萬萬計之、一人所納、平均七角而已、英法二國、人口不及我國之十一、而歲入反遠過於我國、其每人所納、蓋數十倍於我國、他如俄德美日諸邦、大抵皆然、然彼稅重而民安、我稅輕而民困、則又何也、外國國用所費、若官吏之俸給、海陸之軍備、教

育之費用、實業之獎勵、其所教養、皆本國之民也、夫取之民、仍用之民、於民無損、而農工商礦、日益發達、生業既裕、納稅自易、且立憲各國、皆有議院及地方議會、凡國稅之變更、必求議院承諾、地方稅之變更、必求地方議會承諾、故雖欲暴斂橫征而不可得、其國用出納、又有豫算決算之表、以公布於衆、而民亦得知所納租稅、皆爲自衛之計、故咸樂輸而不倦、夫以我國戶口之多、苟政府知理財之要道、國民盡納稅之義務、百廢俱舉、歲入自豐、又何貧乏之足患耶、

目的 本課取中外租稅之制而比較之、使學生知中國租稅、輕於外國、

教授事項

(甲) 時間分配 本課分三時

第一時 國家有公費、則契約爲無效

第二時 此外如糖如醬如藥、則又何也

第三時 外國國用所費、至又何貧乏之足患耶

(乙) 內容提示

一 弊竇一生、所取卽漫無限制、公家不能獲益、小民已隱受無窮之累、故整頓租稅、爲現今刻不容緩之事、

二 各國稅率、重於我國、我國若仿其例而徵收之、則負擔驟增、必至怨聲四起、此非國民不知納稅之理

務也、蓋不爲之開其源、小民之生計將絕也、

三 英美等國、租稅若是之重、而國民能負擔者、因稅則劃一、國民無意外之耗費、且取之於民、仍用之於民也、

四 稅則未經議院及議會承諾、固不得爲正當之稅則、國民不知納稅之義務、亦失國民之資格者也、

(丙) 文字應用、

課文爲論說體、分十一段、第一段首三句、言國家不得不取租稅於民、次一句、言稅制各國不同、次九句、述清之稅制、次三句、言民國必有整頓租稅之策、第二段七句、言各國租稅之名目、多於我國、第三段五句、述所得稅之制、第四段三句、述營業稅之制、第五段五句、述登錄稅之制、第六段首四句、述印紙稅之制、次七句、述印紙之效力、第七段首五句、言糖醬納稅而煙酒等由官專賣、次四句、言車馬窗牖等之有稅、第八段首二句、言國稅供國家之用、次五句、言地方稅供地方之用、次一句、總結以上六段、第九段首五句、言我國每人平均之納稅數、次七句、言東西人之納稅數十倍於我國、次三句、言彼之民反安而我之民反困、第十段首七句、言外國費國用以教養其民、次七句、言富源開而納稅自易、次七句、言立憲國之稅法不得輕易變易、次六句、言民知出納之數而樂輸不倦、末段六句、言我國得理財之道而不患貧乏、

參考

(公費) 公家行政所用之費也、

〔田賦〕計田之畝數以納賦、徵收銀者曰錢糧、徵收米者曰漕米、（以銀代米曰折色）

〔關稅〕有常關、海關（即新關）一曰洋關之別、常關爲我國舊有之關、設於水陸衝要之地、征商賈往來之稅者也、海關爲通商後所設、設於江海各口、以徵洋貨進口土貨出口之稅者也、

〔釐金〕清代洪楊之役、曾國藩權設以濟軍餉者、後以庫幣支絀、局卡徧設、有增無減、民國成立、釐卡之名雖去、而緊要之區、仍設貨物稅總公所分公所、

〔鹽稅〕凡沿海各省及有鹽井之地、聽民煮水爲鹽、由官出幣收鹽而售諸商、是謂官鹽、行鹽之符信曰引、無引而私賣者曰私鹽、凡鹽商得引、必納課稅、

〔酒稅〕或據釀酒之缸納稅、或據觔數納稅、各地方情形不同、

〔當稅〕凡業典當者、前清時必於藩司衙門納稅領官帖、方許開設、

〔牙稅〕牙本作平、即互字、古稱主互市者曰牙郎、即云互市之郎也、今開行棧代客買賣者曰牙行、前清時應向藩司納稅領官帖、方準開設、名曰牙稅、如糧食行、木行、布行、繭行之類是也、

〔稅契〕民間買賣房屋、例應由買主輸稅於官、官用印信、鈐蓋於契紙、以爲執業、

〔工傭利息〕工傭、受役於人者所得之傭值也、利息、借貸銀錢債主所得之利息也、

〔贏利〕所營之業、於資本常利之外、更有贏餘者、謂之贏利、

〔營利〕猶謀利也、凡營謀利之事業者、皆宜先納稅、